





山谷琴趣外篇目錄



南昌黃魯直庭堅

○卷之一

念奴嬌

同諸甥待月飲酒賦此

水調歌頭

遊覽

水調歌頭

滿庭芳

妓女

滿庭芳

詠茶

鼓笛謾

曹供備生日

洞仙歌

王補之生日



雨中花

送彭文思

憶帝京

宴飲

醉蓬萊

南歌子

鷺山溪

轉調醜奴兒

品令

送曹供備

踏莎行

踏莎行

定風波

定風波

定風波

荔枝

定風波

鵲橋仙

七夕

鵲橋仙

阮郎歸

阮郎歸

更漏子

餘甘湯

繡帶子

梅

撼庭竹

離別



○卷之二

減字木蘭花

春

減字木蘭花

寄張仲謀

減字木蘭花

登巫山懸樓

減字木蘭花

減字木蘭花

和趙文儀

減字木蘭花

減字木蘭花

私情

減字木蘭花

中秋陪曹伯達翫月

減字木蘭花

減字木蘭花

減字木蘭花

黔守席上戲作

減字木蘭花

減字木蘭花

木蘭花令

木蘭花令

木蘭花令

木蘭花令

木蘭花令

木蘭花令



清平樂

清平樂

重九

清平樂

同前

清平樂

同前

清平樂

同前

清平樂

飲宴

憶帝京

琵琶

憶帝京

私情

畫堂春

○卷之三

鷓鴣天

重九

鷓鴣天

重九

鷓鴣天

重九

鷓鴣天

傷李如篋漁父詞

醉落魄

醉醒戲作

醉落魄

醉落魄

醉落魄

南鄉子

知命弟去年重九涪陵作此

南鄉子

今年重九知命已向成都感之



南鄉子

南鄉子

南鄉子

重九寄懷永康彭使君

點絳脣

重九寄嗣直弟

謁金門

贈知命弟

採桑子

贈黃中行

採桑子

送彭道微

採桑子

西江月

茶

鷓鴣天

茶

漁家傲

戲効通禪作頌

漁家傲

同前

漁家傲

同前

漁家傲

同前

漁家傲

同前

撥掉子

退居

訴衷情

漁父

浣溪沙

同前

菩薩蠻

同前

調笑歌

効李白長恨歌之句



步蟾宮 妓女

南柯子 次東坡携妓見法通韻

南柯子

醜奴兒

西江月

山谷琴趣外篇目錄



山谷琴趣外篇卷之一

南 昌 黃 魯 庭 堅

念奴嬌

八月十七日同諸甥待月有客孫彥立者善吹笛有名酒酌之

浙虹霽雨淨秋空山染脩眉新綠挂影扶疎誰  
便道今夕清輝不足萬里青天姮娥何處駕此  
一輪玉寒光零亂爲誰偏照醺醺

年少從我追遊晚涼幽徑遠張園森木共倒金  
荷家萬里難得尊前相屬老子平生江南江北  
最愛臨風曲孫郎微笑坐來聲噴霜竹

水調歌頭

遊覽



瑶草一何碧春入武陵溪溪上桃花無數花上有黃鸝我欲穿花尋路直入白雲深處浩氣展虹蜺祇恐花深裏紅露濕人衣

坐玉石欹玉枕拂金徽謫仙何處無人伴我白螺杯我爲靈芝仙草不爲朱唇丹臉長嘯亦何爲醉舞下山去明月逐人歸

又

落日塞垣路風勁戛貂裘翩翩數騎閑獵深入黑山頭極目平沙千里唯見凋弓白羽鐵面駭驍驄隱隱望青冢特地起閑愁

漢天子方鼎盛四百州玉顏皓齒深鎖三十六宮秋堂有經綸賢相邊有縱橫謀將不減翠蛾羞戎虜和樂也聖主永無憂

滿庭芳

妓女

初綰雲鬟纔勝羅綺便嫌柳陌花堦占春才子容易託行媒其奈風情債負煙花部不免差排劉郎恨桃花片片隨水染塵埃

風流賢太守能籠翠羽宜醉金釵且留取垂柳掩映廳堦直待朱轡去後從伊便窄機弓鞋知恩否朝雲暮雨還向夢中來



又茶

北苑春風方圭圓璧萬里名動京闕碎身粉骨  
功合上凌煙樽俎風流戰勝降春睡開拓愁邊  
纖纖捧研膏澣乳金縷鵲鳩班

相如雖病渴一觴一詠賔有群賢爲扶起燈前  
醉玉頰山搜攬曾中萬卷還傾動三峽詞源歸  
來晚文君未寢相對小窻前

鼓笛慢

曹供備生日

早秋明月新圓漢家戚里生飛將青驄寶勒綠  
沉金鎖曾瞻天仗種德江南宣威西夏合宮陪

享况當年定計昭陵與子勲勞在諸公上

千騎風流年少暫淹留莫辜清賞平坡駐馬虛  
弦落鴈思臨虜帳徧舞摩圍迎歌彭水拂雲驚  
浪看朱顏綠鬢封侯萬里寫凌煙像

洞仙歌

王補之生辰

月中丹桂自風霜難老閱盡人間盛衰草望中  
秋才有幾日十分圓霾風雨雲表常如水晝  
不得文章力白首防秋誰念雲中上功守正注  
意得人雄靜掃河西應難縱五湖歸棹問持節  
馮唐幾時來看再策勲名印窠如斗



雨中花

送彭文思使君

政樂中和夷夏宴喜官梅乍傳消息待作新年  
歡計斷送春色桃李成陰甘棠少訟又移旌戟  
念畫樓朱閣風流高會頓吟談席

西州縱有舞裙歌板誰共茗邀棊敵歸來未得  
先霑離袖管絃催滴樂事賞心易散良辰美景  
難得會須醉別巫山扶起更傾春碧

憶帝京

宴飲

鳴鳩乳燕春閒暇化作綠陰槐夏壽酒舞紅裳  
睡鴨飄香麝醉此洛陽人佐郡深儒雅

况坐上玉麟金馬更莫問鶯老花謝萬里相依  
千金爲壽未厭玉燭傳清夜不醉欲言歸笑殺  
高陽社

醉蓬萊

對朝雲鬢鬢暮雨霏微亂峯相倚巫峽高唐鎖  
楚宮朱翠畫戟移春靚粧迎馬向一川都會萬  
里投荒一身半影成何歡意

盡道黔南去天尺五望極神州萬里煙水樽酒  
公堂有中朝佳士荔頰紅深麝臍香滿醉舞裊  
歌袂杜宇声声催人到曉不如歸是



南歌子

詩有淵明語歌無子夜聲論文思見老弥明坐  
想羅浮山下羽衣輕

何處黔中郡遙知隔晚晴雨餘風急斷虹橫應  
夢池塘春草若爲情

鷓鴣山溪

鷺鶯翡翠小小思珍偶眉黛歛秋波儘湖南山  
明水秀娉娉嫋嫋恰近十三餘春未透花枝瘦  
正是愁時候

尋芳載酒肯落誰人後祇恐遠歸來綠成陰青

梅如豆心期得處每自不由人長亭柳君知否  
千里猶回首

轉調醜奴兒

得意許多時長醉賞月影花枝暴風狂雨年年  
有金籠鎖定鶯鷁燕友不被雞欺

紅旆轉逶迤悔無計千里追隨再來應綰蘆南  
印而今日下怎向日永春遲

品令

送曹供備

敗葉霜天曉漸鼓吹催行掉栽成桃李未開便  
解銀章歸報去取麒麟圖畫要及年少



勸公醉倒別語怎向醒時道楚山千里暮雲正  
鎖離人情抱記取江州司馬坐中最老

踏莎行

畫鼓催春蠻歌走餉雨前一焙誰爭長低株摘  
到高株株別是閩溪樣

碾破春風香凝午悵銀瓶雪袞翻成浪今宵無  
睡酒醒時摩園影在秋江上

又

臨水天桃倚牆繁李長揚風掉青驄尾樽中有  
酒且酬春更尋何處無愁地

明日重來落花如綺芭蕉展山公啓欲牋心事  
寄天公教人長對花前醉

定風波

自斷此生休問天白頭波上泛孤船老去文章  
無氣味憔悴不堪駈使菊花前

聞道使君携將吏高會參軍吹帽晚風顛千騎  
插花秋色暮歸去翠娥扶入醉時肩

又

萬里黔中一漏天屋居終日似乘船及至重陽  
天也霽催醉鬼門關外蜀江前



莫笑老翁猶氣岸君看幾人黃菊上華顛戲馬  
臺南追兩謝馳射風流猶拍古人肩

又荔枝

晚歲監州聞荔枝赤英垂墜壓欄枝萬里來逢  
芳意歇愁絕滿盤空憶去年時

澗草山花光照座春過等閑桃李又纍纍辜負  
寒泉浸紅皺銷瘦有人花病損香肌

又

准擬堦前摘荔枝今年歇盡去年枝莫是春光  
厮料理無比譬如痃瘡有休時

碧甃朱欄情不淺何晚來年枝上報纍纍雨後  
園林坐清影蘇醒紅裳剝盡看香肌

鵲橋仙

七夕

八年不見清都絳闥望河漢溶溶漾漾年年牛  
女恨風波拚此事人間天上

野麋豐草江鷗遠水老去唯便踈放百錢端欲  
問君平早晚具歸田小舫

又

朱樓彩舫浮瓜沉李報答風光有處一年樽酒  
暫時同別泪作人間曉雨



鴛鴦機綜能令儂巧也待乘槎仙去若逢海上  
白頭翁共一訪癡牛騃女

阮郎歸

黔中桃李可尋芳摘奈人自忙月團犀胯闌圓  
方研膏入焙香

青箬裹絳紗囊品高聞外江酒闌傳盃舞紅裳  
都餘春味長

又

烹茶留客駐金鞍月斜窻外山別郎容易見郎  
難有人愁遠山

歸去後憶前歡盡屏金博山一盃春露莫留殘  
與郎扶玉山

更漏子

餘甘湯

菴摩勒西土果霜後明珠顆顆憑玉兔拂香塵  
稱爲席上珍

號餘甘爭奈舌臨馬上時分付管回味却思量  
忠言君試嘗

繡帶子

梅

小院一枝梅衝破曉寒開晚到芳園遊戲滿袖  
帶香回



玉酒覆銀盃盡醉去猶待重來東隣何事驚吹  
怨笛雪片成堆

撼庭竹

別離

嗚咽南樓吹落梅聞鴉樹驚栖夢中相見不多  
時隔城今夜也應知

坐久水空碧山月影沉西買个宅兒住看伊剛  
不肯相隨如今果被天嗔作永落雞羣受雞欺  
空恁可怜伊風日損花枝

山谷琴趣外篇卷之一

山谷琴趣外篇卷之二

減字木蘭花

春

餘寒爭令雪共鴈梅相照影昨夜東風已出耕  
牛勸歲功

陰雲幕幕近覺去天無幾尺休恨春遲桃李梢  
頭次第知

又

寄張仲謀

史君那裏千騎塵中依約是拂我眉頭無處重  
尋更信愁

山雲渺漫夾道旌旗聯復斷萬事茫茫分付登



波與爛腸

又登巫山縣樓

襄王夢裏草綠煙深何處是宋玉擡頭暮雨朝  
雲幾許愁

飛花漫漫不管羈人腸欲斷春水茫茫欲渡南  
陵更斷腸

又

巫山古縣老杜淹留情始見撥悶題詩千古神  
交世不知

雲陽臺下更值清明風雨夜知道愁辛果是當

時作賦人

又和趙文儀

詩翁才刃曾陷文場貔虎陣誰敢當哉況是焚  
舟決勝來

三巴春杪客館夢回風雨曉曾次崢嶸欲共濤  
頭赤甲平

又

蒼崖萬仞下有奔雷千百陣自古危哉誰遣西  
園清麝來

猿啼雲杪破夢一聲巫峽曉苦喚愁生不是西



園作麼平

又私情

終宵忘寐好事如何由尚未子細沉吟珠泪盈  
盈濕袖襟

與君別也願在郎心莫暫捨記取盟言聞早回  
程却再圓

又

中秋奉陪黔陽曹伯達翫月作

中秋多雨常是擗壘狼藉去今夜雲開須道姮  
娥得得來

不知雲外還有清光同此會留在層樓盡徹摩

圍頂上頭

又

中秋無雨醉送月嚼西山嶺去笑口須開幾度中  
秋見月來

前年江外兒女傳盃兄弟會此夜登樓小謝清  
吟慰白頭

又

濃雲驟雨巫峽有情來又去今夜天開不與姮  
娥作伴來

清光無外白髮老人心自會何處歌樓貪看冰



輪不轉頭

又

黔守席上客有舉岑嘉州中秋詩曰云云戲作

舉頭無語家在月明生處住擬上摩圍最上峯  
頭試望之

偏怜絡秀苦淡同甘誰更有想見牽衣月到愁  
邊揔未知

又

月中笑語萬里同依光景在天水相圍相見無  
因夢見之

諸兒娟秀儒學傳家渠自有自作秋衣漸老先

寒人未知

又

常年夜雨頭白相依無去住兒女成圍歡笑樽  
前月照之

阿連高秀千萬里來忠孝有豈謂無衣歲晚先  
寒要弟知

木欄花令

風開水面魚紋皺暖入草心犀點透乍看晴日  
弄柔條憶得章臺人姓柳

心情老大癡成就不復淋浪沾翠袖早梅獻笑



尚窺鄰小蜜初來如遺壽

又

東君未試雷霆手灑雪開春春鎖透帝臺應點  
萬年枝窮巷偏欺三逕柳

風拚群玉森相就中有摩圍為領袖凝香窻下  
與誰看一曲琵琶千萬壽

又

新年何許春光漏小院閉門風日透酥花入座  
頗欺梅雪絮因風全是柳

使君落筆春詞就應喚歌檀催舞袖得開眉處

且開眉人世可能金石壽

又

黃金捍破春風手簾幕重重音韻透梅花破落  
便春回似有黃鸝鳴翠柳

曉粧未慙梅添就玉笋榛杯離鈿袖曾拚千日  
笑樽前他日相思空殢壽

又

黔中士女遊晴晝花信輕寒羅綺透爭尋穿石  
道宜男更買江魚雙青柳

竹枝歌好移船就依倚風光垂翠袖滿傾盧酒



指摩圍相守與郎如許壽

又

可憐翡翠隨雞走學綰雙鬟年幾小見來行待  
惡怜伊心性嬌癡空解笑

紅蕖照映霜林表楊柳舞腰風嫋嫋衾餘枕剩  
儘相容祇是老人難再少

清平樂

春歸何處寂寞無行路若有人知春去處喚取  
歸來同住

春無蹤跡誰知除非問取黃鸝百轉無人能解

因風飛過薔薇

又

黃花當戶已覺秋容暮雲夢南州逢笑句心在  
歌邊舞處

使君一笑眉開新晴照酒尊來且樂尊前見在  
休思走馬章臺

又

休推小戶看即風光暮萸粉菊英浮淥醕照答  
風光有處

幾回笑口能開少年不肯重來借問牛山戲馬



今爲誰姓池臺

又

舞鬟娟好白髮黃花帽醉任傍觀嘲潦倒扶老  
偏宜年少

舞回臉玉胸酥纏頭一斛明珠日日梁州薄媚  
年年金菊茱萸

又

乍晴秋好黃菊歌烏帽不見清談人絕倒更憶  
添丁小小

蜀娘謾點花酥酒槽空滴真珠兄弟四人別住

他年同插茱萸

又 飲宴

冰堂酒好抵恨銀杯小新作金荷工獻巧圖要  
連臺拗倒

採蓮一曲清歌急檀催卷金荷醉裏香飄睡鴨  
更驚羅襪凌波

憶帝京

琵琶

薄粧小靨閑情素抱着琵琶凝佇慢撚復輕攏  
切切如私語轉撥割朱絃一段驚沙去

萬里嫁烏孫公主易水明妃不渡淚粉行行紅



顏片片拍下花  
松江風雨借問本師誰歛撥當  
心住

又私情

銀燭生花如紅豆  
占好事而今有醉曲屏深借  
寶瑟輕招手一陣白蘋風故滅燭教相就  
花帶雨冰肌香透恨啼烏轉轡  
聲曉岸柳微涼  
吹殘酒斷腸時至今依舊鏡中銷瘦  
那人知後  
怕恁你來憐憐

畫堂春

東堂西畔有池塘  
史君悲九明窻  
日西人吏散

東廊蒲葦送輕涼

翠<sub>半</sub>細通<sub>名</sub>品溜小峯重疊山光近池催置琵琶  
床衣帶水風香

又

摩園小隱枕蠻江  
蛛絲閑瑣晴窻水風山影上  
脩廊不到晚來涼

相伴蝶穿花徑獨飛鷗  
舞溪光不因送客下鉤  
床添火炷爐香



山谷琴趣外篇卷之二

山谷琴趣外篇卷之三

鷓鴣天

重九

萬事令人心骨寒故人墳上土新乾淫坊酒肆  
狂居士李下何妨也整冠

金作鼎玉爲食老來亦失少時歡茱萸菊藥年  
年事十日還將九日看

又

黃菊枝頭生曉寒人生莫放酒盃乾風前橫笛  
斜吹雨醉裏簪花倒著冠

身健在且加餐舞裙歌板盡清歡黃花白髮相



牽挽付與時人冷眼看

又

紫菊黃花風露寒平沙戲馬雨新乾且看欲盡  
花經眼休說彈冠與挂冠

甘酒病廢朝飡何鄉得似醉鄉寬十年一覺揚  
州夢爲報時人洗眼看

又

續成李如篋云玄真子漁父語之意

西塞山邊白鷺飛桃花流水鰕魚肥朝廷尚覓  
玄真子何處如今更有詩

青箬笠綠蓑衣斜風細雨不須歸人間底是無

波處一日風波十二時

醉落魄

醉醒醒醉一曲詞意雖美而語高下不甚入律因戲作二篇

陶陶兀兀樽前是我華胥國爭名爭利休休莫  
雪月風花不醉怎生得

邯鄲一枕誰憂樂新詩因事因閑適東山小妓

携絲竹家裏樂天村裏謝安石

石曼卿去村裏黃番緯家中白侍郎

又

陶陶兀兀人生無累何由得盃中三萬六千日  
悶損旁觀自我解落魄

扶頭不起還頽玉日高春睡平生足誰門可款



新菊熟安樂春泉玉醴荔枝酥

又

陶陶兀兀人生夢裏槐安國教公休醉但莫盞  
倒垂蓮一笑是贏得

街頭酒賤民聲樂尋常行處尋歡樂適醉看簷  
雨森銀竹我欲憂民渠有二千石

又

陶陶兀兀醉鄉路遠歸不得心情那似當年日  
割愛金荷一椀淡莫托

異鄉新桂炊蒼玉摩挲經笥湏知足明年細麥

能黃熟不管輕霜點盡鬢邊綠

南鄉子

知命弟去年重九日在涪陵作此曲

落帽晚風回又報黃花一番開扶杖老人心未  
老堪咍曼有才情付與誰

芳意正徘徊傳語西風且慢吹明日餘樽還共  
倒重來未必秋香一夜衰

又

今年重九知命已向成都感之次韻

招喚欲千回暫得尊前笑口開萬水千山還麼  
去悠哉酒面黃花欲醉誰

顧影又徘徊立到斜風細雨吹見我未衰容易



去還來不道年年即漸衰

又

未報賈船回三逕荒砌菊卧開想得鄰船霜笛  
罷沾衣不爲涪公更爲誰

風力嫋更枝酒面紅鱗愜細吹莫笑插花何事  
老摧頽却向人間耐盛衰

又

黃菊滿東籬與客携壺上翠微已是有花兼有  
酒良期不用<sup>臨</sup>恨落暉

滿酌不須辭莫待無花空折枝寂寞酒醒人散

後堪悲節去蜂愁蝶不知

又

重九寄懷永康彭使君用彼舊韻

卧稻雨餘收颺颺遊人簇遠洲白髮又扶紅袖  
醉戎州亂折黃花插滿頭

青眼想風流畫出西樓一幀秋還把去年歡意  
舞梁州塞鴈西來特地愁

點絳脣

重九寄嗣直弟

濁酒黃花盡簷簷十日無秋燕夢中相見起作南  
柯觀

鏡裏朱顏又減年時半江山遠登高人健應問



西來鴈

謁金門

戲贈知命

山又水行盡吳頭楚尾兄弟燈前家萬里相看  
如夢寐

君似成蹊桃李入我草堂松桂莫厭歲寒無氣  
味餘生今已矣

採桑子

贈黃中行

宗盟有妓能歌舞宜醉樽罍待約新醅車上危  
坡儘要推

西鄰三弄爭秋月邀勅春回个裏聲催鐵樹枝

頭花也開

又

送彭道微

荔枝灘上留千騎桃李陰繁宴寢香殘盡戟林  
森鎮八蠻

永康又得風流守管領江山少訟多閑煙靄樓  
臺舞翠鬟

又

馬湖來舞釵初賜笳鼓聲繁賢將開閑威竦西  
山八詔蠻

南溪地逐名賢重深鎖群山燕喜公閑一斛明



珠兩小鬟

西江月

茶

龍焙頭綱春早谷簾第一泉香已醺浮蟻嫩鵝黃想見翻成雪浪

免揭金絲寶盃松風蟹眼新湯無因更發次公狂甘露來從仙掌

鷓鴣天

茶

湯泛冰甕一坐春長松林下得靈根吉祥老子親拈出个个教成百歲人

燈焰焰酒醺醺壑源曾未醒醒魂與君更把長

生盃聊爲清歌駐白雲

漁家傲

戲効通禪作頌

萬水千山來此土本提心印傳梁武對朕者誰渾不顧成死語江頭暗折長蘆渡

面壁九年看二祖一花五葉親分付隻履西歸忽嶺去君知不分明忘却來時路

又

三十年來無孔竅幾回得眼還迷照一見桃花參李了呈法要無絃琴上彈丁調

摘葉尋枝虛半老看花特地重年少今後水雲



無欲曉非玄妙靈雲合被天桃笑

又

憶得藥山生一虎華亭船上尋人渡散却夾山  
拈坐具呈見處繫驢擲上合頭語

千尺垂絲君看取離釣三寸無生路驀尸一饒  
親子父猶回顧軸轡載我兒孫去

又

百丈峯頭開古鏡馬鉤踏破重蘇醒接得古靈  
心眼淚光迥迥歸來藏在袈裟影

好个佛堂佛不聖老師沉醉猶看鏡却与斬新

提祖令方猛省無声三昧天皇餅

又同前

踏破草鞋叅到了等閑拾得衣中寶遇酒逢花  
須一笑長年少俗人不用嗔貧道

何處青旗誇酒好醉鄉路上多芳草提着葫蘆  
猶未倒風落帽葫蘆却纏葫蘆倒

撥掉子 退居

歸去來歸去來携手舊山歸去來有人共月對  
樽壘橫一琴甚處不逍遙自在

閑世界無利害何必向世間甘幻愛與君釣晚



煙寒瀨蒸白魚稻飯溪童供筍菜

訴衷情

漁父

一波纔動萬波隨  
簑笠一鉤絲  
錦鱗正在深處  
千尺也須垂

吞又吐  
信還疑  
上鉤遲  
水寒江靜  
滿目青山  
載月明歸

浣溪沙

新婦灘頭眉黛愁  
女兒浦口眼波秋  
驚魚錯認月沉鉤

青箬笠前無限事  
綠蓑衣底一時休  
斜風吹雨

轉船頭

菩薩蠻

漁父

半煙半雨溪橋畔  
漁翁醉着無人喚  
踈懶意何長  
春風花木香

江山如有待  
此意陶潛解  
問我去何之  
君行到自知

調笑歌

詩曰

海上神仙字太真  
昭陽殿裏稱人心  
猶思一曲霓裳舞  
散作中原胡馬塵  
方士歸來說風度  
梨花一枝春帶雨  
分花半鈿愁殺人  
上皇倚欄獨



無語

無語恨如許方士歸時腸斷處梨花一枝春帶雨半鈿分釵親付天長地久相思苦渺渺鯨波無路

步蟾宮

妓女

虫兒真个忒靈利惱亂得道人眼起醉歸來恰似桃源但目送落花流水何妨隨我歸雲際共做个住山活計照清溪勻粉面插山花也須勝風塵氣味

南柯子

次東坡携妓見法通韻

郭太曾名我劉翁復見誰入鄜還作和羅槌特地干戈相待使人疑秋浦橫波眼春窓遠岫眉補陀岩畔夕陽遲何似金沙灘上放愁時

又

萬里滄江月波清說向誰頂門須更下金槌祗恐風驚草動又生疑金鴈斜粧頰青娥淺畫眉庖丁有底下刀遲直要人牛無際是休時

醜奴兒

此詞或者爲秦少游所作而公集中亦載以是姑兩存之



夜來酒醒清無夢愁倚欄干露滴輕寒兩打芙蓉淚不乾

佳人別後音塵悄悄瘦難拚明月無端已過紅樓十二間

西江月

斷送一生唯有破除萬事無過遠山橫黛顰秋波不飲傍人笑我

花病等閑瘦弱春愁沒處遮欄杯行到手莫留殘不道月斜人散

山谷琴趣外篇卷之三

